



## თიანეთის მუნიციპალიტეტის საკრებულოს

### გ ა ნ კ ა რ გ უ ლ ე ბ ა №63

დ. თიანეთი

17 ნოემბერი 2010 წ.

თიანეთის მუნიციპალიტეტის გამგეობის სახანძრო-სამაშველო  
სამსახურის მიერ 2010 წელს გაწეული მუშაობის შესახებ ანგარიშის  
მოსმენის თაობაზე

„ადგილობრივი თვითმმართველობის შესახებ“ საქართველოს ორგანული  
კანონის 22-ე მუხლის 1-ლი პუნქტის „ე“ ქვეპუნქტის და თიანეთის  
მუნიციპალიტეტის საკრებულოს დებულების მე-3 მუხლის მე-3 ნაწილის „მ“  
ქვეპუნქტის თანახმად,

თიანეთის მუნიციპალიტეტის საკრებულომ  
**გ ა დ ა წ ყ ვ ი ტ ა:**

1. ცნობად იქნეს მიღებული თიანეთის მუნიციპალიტეტის გამგეობის სახანძრო-  
სამაშველო სამსახურის უფროსის თემურ ბადურაშვილის ანგარიში სამსახურის  
მიერ 2010 წელს გაწეული მუშაობის შესახებ.

2. განკარგულება ამოქმედდეს საქართველოს მოქმედი კანონმდებლობის  
შესაბამისად.

თიანეთის მუნიციპალიტეტის საკრებულოს  
თავმჯდომარე გ. წიკლაური

## ა ნ გ ა რ ი შ ი

თიანეთის მუნიციპალიტეტის გამგეობის სახანძრო-სამაშველო სამსახურის მიერ 2010 წელს გაწეული მუშაობის შესახებ:

თიანეთის მუნიციპალიტეტის გამგეობის სახანძრო-სამაშველო სამსახური წარმოადგენს გამგეობის დაქვემდებარებულ ერთეულს, რომელიც ახორციელებს მოსახლეობის და სახელმწიფო დაწესებულებების, კერძო კომპანიების, ტექნიკის და მუნიციპალიტეტის ტერიტორიაზე არსებული შენობა-ნაგებობების დაცვას ხანძრისაგან და სტიქიური უბედურებებისაგან. სიონის წყალსაცავის სანაპირო ზოლის უსაფრთხოებას ზაფხულის სეზონის პერიოდში.

მოგახსენებთ, თუ 2010 წელს რა მუშაობა გასწია თიანეთის მუნიციპალიტეტის სახანძრო-სამაშველო სამსახურმა:

წლის დასაწყისში სახანძრო-სამაშველო სამსახურმა შეამოწმა მუნიციპალიტეტის ტერიტორიაზე არსებული ყველა ობიექტი, ორგანიაზაცია, სკოლები, ბაგა-ბაღები, ბენზინგასამართი სადგურები, სადაც აღმოჩნდა მთელი რიგი დარღვევები. მიუხედავად იმისა რომ გასული წლის შემოწმებისას მიეთითა არსებულ ნაკლოვანებებზე სამსახურებს არა აქვთ უსაფრთხოების დაფები, იარაღები და ცეცხლმქობი ბაღონები. თუ აქვთ ვადაგასული. ამის გამო წერილები დაეგზავნათ ყველა ხელმძღვანელ მუშაკებს. სამსახურებში, სკოლებში, ბაგა-ბაღებში, სამოქალაქო თავდაცვისა და უსაფრთხოების ცოდნის დონე ძალიან დაბალია.

მ/წლის განმავლობაში სულ მუნიციპალიტეტის ტერიტორიაზე დაფიქსირდა 41 ხანძრის შემთხვევა, აქედან ყველა ხანძარი ლიკვიდირებულ იქნა, აღსანიშნავია რომ არსებული ხანძრების შემთხვევაში არ დამწვარა არც ერთი საცხოვრებელი სახლი. სოფ. დევენაანთხევის დაიწვა 1 საქონლის სადგომი.

მ/წლის 9 თვეში ხანძარი გაუჩნდა 6 საცხოვრებელ სახლს. ხანძრის ლიკვიდაცია დროულად მოხერხდა, მინიმალურია ხანძრის მიერ გამოწვეული ზარალი.

მიუხედავად იმის, რომ სახანძრო-სამაშველო სამსახურს ყავს ერთი 4 კაციანი ეკიპაჟი ტყეების და მინდვრების ხანძრები დროულად იქნა ლიკვიდირებული.

ხანძარსაშიშ პერიოდში პარალელურად შექმნილი გგქონდა დამატებითი ეკიპაჟი და 2 სახანძრო მანქანით გავდიოდით ყოველ ხანძარზე.

უნდა ითქვას, რომ 2010 წლის განმავლობაში წარმატებით გაართვა თავი მასზე დაკისრებულ მოვალეობებს.

ხანძარსაწინააღმდეგო-სამაშველო სამსახურში გაგვაჩნია 2 ერთეული სახანძრო ავტომანქანა, რომელიც ითვლიან ორ ათეულ წელს და ხშირად გამოდიან წყობიდან. 2010 წელს გარემონტებულ იქნა აღნიშნული მანქანების წყალსაქაჩები, სიჩქარის კოლოფები; შევიძინეთ ახალი წყალგამშვები შლანგები. ვფიქრობთ მუნიციპალიტეტის ხელმძღვანელობის მხარდაჭერით მდგომარეობა ამ კუთხით მომავალში გამოსწორდება.

2010 წლის ზაფხულში სამსახურმა ჩაატარა მეცადინეობები, განსაკუთრებით ყურადღება გამახვილდა წყლის აღება-გაშვების კუთხით, რათა ექსტრემალურ სიტუაციაში გაუადგილდეთ მეხანძრებებს დაკისრებული მოვალეობის დროულად შესრულება. სამაშველო რაზმი, რომელიც ჩამოყალიბებულია 2008 წელს, სიონის წყალსაცავზე ბანაობის სეზონთან დაკავშირებით იცავენ მობინავთა უსაფრთხოებას სანაპირო ზოლზე. მაშველები პრობლემების წინაშე დგანან. არ აქვთ სამაშველო ნავი, მთელი რიგ სკეციალური ინვენტარი, რაც აუცილებელია აღნიშნული სამსახურისთვის.

2010 წელს ჩვენი ძალისხმევით მეხანძრებებისათვის შევარემონტეთ სამორიგეო ოთახი. უნდა ითქვას, რომ სამსახურის მატერიალურ-ტექნიკური

ბაზა მინიმალურადაც ვერ აქმაყოფილებს თანამედროვე მოთხოვნებს, შენობა მთლიანად განადგურებულია, მისი შეკვება დიდ თანხებთან არის დაკავშირებული. იმედია მუნიციპალიტეტის ხელმძღვანელობა ჩვეული ურადღებით მოეკიდება აღნიშნული პრობლემების მოგვარებას.

ბოლოს არ შეიძლება არ შევეხოთ სამსახურში შრომის დისციპლინას. სამსახურში ლოთობის, უპასუხისმგებლო დამოკიდებულებისათვის 3 მუშაკი გათავისუფლებულია სამსახურიდან. დღეს აღნიშნული კუთხით მდგომარეობა იდეალური არ არის, მაგრამ საგრძნობლად გამოსწორებულია. შემდგომისათვის მუნიციპალიტეტის სახანძრო სამაშველო სამსახურს გამახვილებული ექნება ურადღება, რათა კიდევ უფრო გაგაუმჯობესოთ სამსახურის წინაშე მდგომი ამოცანების უკეთ შესრულება.

თიანეთის მუნიციპალიტეტის გამგეობის  
სახანძრო—სამაშველო სამსახურის უფროსი

თ. ბადურაშვილი